

快礮十六尊每尊隨配礮彈二百顆以資練習以上綜計增籌之款已有一萬七千兩自可恢擴規模認真訓練至學堂爲培養人材之基本無論文武學術必當從此入手應否隨營設立抑或分設初等小學堂及兼設工藝等學分門教習使閑散丁口各有技能足以自贍之處均由該將軍副都統揀派委員分晰籌畫仍將所定軍制餉章學堂課程規則工藝應習門類咨商奴才等切實經理庶於駐防兵丁學業本計不無裨謹 奏奉 硃批該衙門知道欽此

雲貴總督丁等會奏滇軍駐防粵境會同剿匪情形片

再廣南派出督帶陸朝珍王國賓等四營在粵境百色鎮邊西林等處剿捕遊土各匪屢有斬獲經三省邊防營務處道員謝汝欽及該各營先後稟報旋以泗色一帶粵軍不敷防布兩廣督臣岑春煊及謝汝欽電請由滇添派遂又派出富新前等兩營合計六營仍駐粵境會剿前於五月內曾經附 奏陳明在案五月以後因柳慶撫勇叛變泗色一帶亦異常震動據謝汝欽電稱賊勢浩大衆輒數千而駐紮平樂村之綏遠營左哨本係撫隊亦有叛變槍斃該營幫帶之事陸朝珍王國賓電稟經謝汝欽派令飛往龍州坡一帶密截然天峨等處與黔交界八蜡過馬樂西約在泗色以下距滇邊二十餘程綏遠四營多係撫游前在泗

城且有索取舊欠打單銀兩各情陸朝珍王國賓等輕軍探入深爲可慮當電飭開廣道魏景桐署廣南府知府王正雅嚴防密探並飭謝汝欽往返妥商務宜穩紮穩打審勢量力總期滇粵交益顧全大局爲妥旋據謝汝欽電稟緩軍叛後泗城幸尙無事所有竄匪經陸朝珍李朝興各帶所部並富新團哨追擊多所斬擒當卽解散九月初六日陸朝珍王國賓派前營右哨同續後派出之富新前營胡興所帶團哨赴上林堵截陸朝珍自率所部及胡軍兩哨赴平樂村進剿初九日王國賓由泗城派唐登甲率左右營弁兵三哨自坡心盤陽探擊匪由新隄後路九兒寨竄恩隆屬之朔乙鳳山李朝興及緩軍管帶黃家廉跟踪追至卜勞三面夾攻各有斬獲並奪回拉去之男婦幼女共四名口匪竄賜福該管帶等追至作塘適督帶陸朝珍亦至遂與商酌分三路進攻自午迄申兵氣益奮匪大潰遁奪獲槍械多件拔出被拉之韋生才等男婦七名口據韋生才稱匪首係大花面黃大蘇萬六鄭八黃六蔡志弼等五名於是商令李朝興黃家廉由芭口燕桐截擊胡軍由盤陽繞截陸朝珍跟追十九二十二等日復敗匪於淥光那賓等寨及武緣縣屬之五村匪踞鄧甘高山抵死抗拒我兵鼓勇直上斬獲無數匪乃敗散我兵陣亡副哨武舉沐雲光什長儂有才二名其餘兵勇亦多有傷亡搜剿數日距思郡僅百餘里已無匪蹤只以山深林密道遠徑歧未敢窮追

分探色思境內匪氛已靖卽飭回色各紮原防等情前來並先後據該督帶陸朝珍王國賓等電稟經臨安開廣道魏景桐廣南府知府王正雅富州通判李世楷查復情形相同臣查此次柳州勇營甫經肇亂平樂村防哨叛變繼之土匪游匪羣思蠢動股數甚多滇粵邊界在在毗連人心頗覺惶惑泗色一帶尤極空虛署廣西提督丁槐總兵何友山等所部多係撫游滇軍僅止六營懸軍深入孤危可慮幸會剿又閱半年泗色一帶匪蹤漸次盪定邊境又安堪以上紓宸厯現據該道謝汝欽電稱奉兩廣督臣岑春煊廣西撫臣李經羲飭添募四營分隸陸朝珍王國賓督帶以厚兵力此後滇粵兩軍自可聯爲一氣謹奏奉硃批仍著督飭扼要防堵毋稍疏虞欽此

練兵處奏定陸軍營制餉章

營制餉章總義 自古無久而不敝之法而兵制尤與時會爲變遷故一代有一代之兵制一時又有一時之兵制未可泥古劑以療新病居夏日而御冬裘也是以晉荀吳舍車用卒趙武靈改習騎射漢量錯請師長技皆因時制宜之妙用方今各國兵制日新月異考究綦精參合而比較之棄短從長亦烏容已顧兵事爲專門之學制度章程至爲繁重舉其綱領厥有二端曰營制曰餉章夫編訂營制非徒以盛威容壯觀瞻也平時之強弱臨事之利鈍